



ル 5
3163
6



凡 5
3163
6

卷十五 三十四十六 四頁
落丁



湖縣志卷十四

軍政志上

昭和十四年
六月十七日
購求

昔陸遜父子守荊州者以西陵為屬李吉甫遡自漢至肅梁凡五伐蜀而由江峽者四以為兵家扼地險利用所長蓋東湖自昔稱大藩實楚蜀要害明季寇氛蔓延我

朝以次削平移師分營遂屹然為重鎮然猶未雨綢繆益修武備爰臚列諸戎政備永固苞桑之助焉志軍政

周以來軍防

東漢書卷一百一十四
周赧王三十七年癸未楚頃襄王二十一年秦白起伐楚拔郢
燒彝陵爲今東湖地

漢獻帝建安十三年劉備定江南置宜都郡以何朗
爲太守督秭歸彝道巫山彝陵四縣軍民事

漢建安二十四年孫權攻彝陵爲西陵置西陵督

三國吳赤烏十三年魏荊州刺史攻西陵遣將軍戴
烈陸凱往擊之裴松註云以炬置孤山頭皆緣
江相望或百里或五十里寇至則舉以相告一夕
可行萬里孫權時會暮舉火於西陵鼓三竟達吳

都南州

魏嘉平三年荊州刺史王基新城太守陳泰攻吳
之基別襲步協於西陵協閉門自守基示以攻形
而實分兵取雄父邸閣收米三十餘萬斛據安北
將軍譚正納降數千口於是移其降民致南郡之
彝陵縣以居之魏志

吳鳳凰三年夏大司馬荊州牧陸抗疾病上疏曰西
陵建平國之蕃表既處下綱鑑流受敵二境若敵
泛舟順流舳艫千里星奔電邁俄然行至非可恃
援他部以解倒懸此乃社稷安危之機非徒封疆
侵陵小害也臣父遜昔在西陲陳言以爲西陵國

身法與元 卷一四
之西門雖云易守亦復易失若有不守非但失一郡則荊州非吾有也如其有虞當傾國爭之臣往在西陵得涉遜迹前乞精兵三萬而主者循常未肯差赴自步圍以後益更損耗今臣所統千里受敵四處外禦疆對內懷百蠻而上下見兵財有數萬羸弊日久難以待變臣愚以為諸王幼冲未統國事方且立傅相輔導賢姿無用兵馬以妨要務又黃門豎官開立占募兵民怨役逋逃入占乞特詔簡閱一切料出以補疆場受敵常處使臣所部人足滿八萬省息眾務信其賞罰雖韓白復生

所展巧若兵不增此則不敵南竟諸大軍也之所深感也若臣死之後乞以西方為屬願思覽臣言則臣死且不朽秋遂卒子晏嗣晏乃葬景元機雲分領抗兵吳志

晉及南北朝刺史任重者多加使持節都督某州事晉宜都郡至梁改宜州西魏改拓一作州後改硤州夔陵屬焉隸荆州其刺史即理戎政或兵與遣將事畢即還職不留鎮其戰守事俱附見下卷惟陳後主以信州刺史顧覺鎮安蜀城隋師至旋遁

隋制因後周之舊諸府兵有郎將副將坊主團主以相統治罷州置郡舊有兵處則刺史帶諸軍事以統之復別置都尉領兵與郡不相知

唐初兵之戍邊者大曰軍小曰守捉曰城鎮曰戍總之者曰道上鎮置將一人副二人中下鎮將副各一兵曹參軍事一上戍置主副各一中下置戍主俱掌防捍守禦兵曹掌防人名帳戎器管鑰馬驢諸事峽州西北二十八里有下牢鎮肅宗至德二載置荆南節度使治荊州領夔峽等十州是年復升夔州防禦爲夔峽節度使乾元元年廢二年復

以歸峽等五州隸夔上元元年荆南節度復
朗峽忠四州終唐世未改

宋太祖乾德元年以韓保正爲峽路都指揮制置使屯夔州以經畫邊事二年因宴西川行營將校示川峽地圖授攻取方略

太宗淳化五年以叅知政事趙昌言爲西川峽路招安馬部軍都部署尋詔昌言駐鳳翔內侍押班衛紹欽往行營指揮軍事峽路行營破賊帥張餘復雲安軍李繼遷使其弟奉表待罪

太宗至道二年九月詔川峽諸州民家先藏兵器限

百口悉送官匿不聞者斬

真宗咸平二年慕容德琛轉崇儀副使荆湖北路鈴轄徙峽路鈴轄未至移知夔州景德中復任峽路真宗景德三年八月詔川峽戍兵二年者代之

神宗熙甯四年詔章惇察訪湖北經制蠻事時帝思用兵以威四夷湖北提點刑獄趙鼎上言峽州峒蠻刻剝無度蠻眾願內附辰州布衣張翹亦上言南北江利害因詔惇經理之

高宗建炎四年於荆南府歸峽州荆門公安軍置鎮撫使以解潛爲之

理宗端平三年冬十月甲午詔史嵩之應援江陵峽州江面上流以拒元兵嘉熙四年以孟珙節制歸峽等州軍馬開慶元年賈似道宣撫荆湖南寧李庭芝權揚州尋以大兵在蜀奏移知峽州以防蜀江

度宗咸淳九年前四川宣撫使叅議官張夢發上書陳危急三策一鎖漢江口岸一城荆門軍當陽界之玉泉山一於峽州宜都一帶聯置堡壘以保聚流民且守且耕并圖上城築形勢賈似道不以事聞下荆湖制司審度可否事竟不行

宋兵制有禁兵以守京師備征戍其在外者非屯駐屯泊則就糧軍也太祖建隆初詔諸州長吏選所部送都下以補禁軍之闕又選強壯卒定為兵樣分送諸道其後代以木梃為高下之等散給諸州軍委長吏都監等召募教習俟其精練即送闕下太宗淳化四年選川峽威棹克甯兵送京師者立為川效忠又立為川忠節真宗大中祥符六年選西川克甯威棹等兵立為甯遠仁宗康定初以禁軍戍川峽諸州者不習水土募土兵為就糧增置外馬步營荆湖諸路各募宣毅大州二營小州一

營時峽州置一營皇祐二年川峽增置甯遠五年荆湖諸路置教閱忠節州一營大州五百人小州三百人於是宣毅漸廢不復補而荆湖廣南等益募雄略荆南共五營峽州居其一景祐間募川峽流民增置效勇神宗熙甯初更制為將兵於諸路分置將副以所將兵多寡置部將隊將押隊使臣及訓練等官哲宗元祐初司馬光具陳其不便且言自置將以來既多軍職而諸路又有有總管鈐轄都監監押設官重複虛糜廩祿乞盡罷諸路將官其禁軍各委本州長吏與總管等官如未置將

東坡集卷一百一十四
以前使州郡足武備卒不行紹聖間樞臣復禁州
縣官不得預軍政於是一無關預兵愈驕不可用
矣

廂兵分給役使於諸州內總於侍衛司建隆初選諸
州壯勇送京備禁衛餘留本城給役建隆後荆湖
路江陵歸峽有威棹軍水軍熙甯後荆湖路騎軍
步軍并改號曰宣節江陵歸峽威棹及水軍仍隸
焉

鄉兵選於戶籍或應募訓練所在防守荆湖路義軍
士丁弩手不見創置之始初惟辰澧全邵道水

州置蓋以諸蠻叛服不常須土人控制故選自戶
籍蠲徭番戍砦柵庶各安風土而籍制狡獪其校
長有都指揮使及都頭各有副軍頭頭首採斫招
安頭首皆叙功遷補實伐王師禦侮而無饋餉之
勞其後荆湖歸峽等州亦置番戍諸砦或以歲以
季以月上番人給口糧有功遷補自都副指使以
下歲給綿袍食錢都頭以上率有廩給熙甯元年
籍荆湖南北義軍凡一萬二千人軍政如舊制

元世祖至元十二年阿里海牙諭下歸峽等州以所
俘童男女千人牛萬頭獻樞密院言峽州宜以戰

洪武元年設峽州總管府督峽州軍事

明初州兵備愈事駐彝陵州後裁以荆南分巡道

兼領置彝陵守禦千戶所千戶百戶鎮撫隸湖廣

都指揮使司

洪武十三年改大都督府為五分統諸軍司衛所內

彝陵千戶屬後軍都督府建文初置湖廣行都司

隸前軍都督府彝陵千戶所改隸焉永樂中仍其

舊

大啟元年奢崇明反於蜀詔鄖陽巡撫移駐彝陵

廣官軍由峽趨忠涪討賊

崇禎十一年楊嗣昌督師彝陵十二年賊犯境檄副

總兵楊世恩荊門州守將羅安邦赴援

國朝自順治十一年裁彝陵所併入荊州衛彝陵州設

游擊分防十二年改設副將十三年五省經略輔

臣洪承疇疏稱彝陵為川江歸巴三路要害請改

協為鎮以資彈壓部議 勅下輔臣於通省提鎮

十四員內移緩就急遴選調補因提鎮各有專汛

難以輕移請將正黃旗下阿思哈哈番一等蝦張

大元題補湖廣鎮守彝陵等處總兵官其協守副

將一缺改爲中營游擊仍添設旗鼓都司一員分
中左右前後五營設游擊守備等官俱如議行十
五年裁都司

康熙十九年川逆譚宏已降復叛奉文改設夔陵水
師協鎮置副將一員以荊州後鎮右營撥歸協標
二十一年因賊已就誅奉裁水師副將所屬之右
營改歸夔陵鎮標水師前營

雍正十三年容美等司改土歸流因置宜昌府添設
鶴峰州長樂縣奉文就近於夔陵鎮抽撥右營官
弁兵丁再撥中營左營兵一百二十九名以足七

百名之數移駐分防名衛昌營仍歸夔鎮營轄所
遺塘汛撥歸中營管轄其中左二營缺額兵另募
充補

乾隆元年奉

旨諭改夔陵鎮爲宜昌鎮

兵官

明設夔陵守禦千戶所 百戶 鎮撫 兵一千四
百一十一名

國初時夔陵州轄宜都遠安長陽三縣舊有守禦千戶
十二所屯軍五百一十名後歸併荊州衛催徵

順治十一年設游擊守備各一員千總二員把總四員駐防彝陵十二年改設副將裁游擊

順治十三年設彝陵鎮乾隆元年改稱宜昌鎮節制一協七營管轄宜昌七屬施南六屬及荊州屬之

宜都枝江松滋遠安安陸屬之當陽等十八州縣總兵都督官一員駐東湖

副將一員駐施南

游擊六員內中前二營駐東湖右營舊駐彝陵後移防鶴峯長樂

旗鼓都司一員順治十三年設十五年旋裁

都司二員駐施南宜都

守備七員中營駐東湖右營舊駐彝陵後分防鶴峯長樂

千把總二十二員現有十三員駐東湖

外委千把總十六員內十員駐東湖

轄東湖城鄉水陸五十六汛

兵制

明屯兵一千四百一十一名

國朝時屯軍五百一十名

會典載彝陵鎮經制兵共四千二百九十二名內馬

兵三百二十八名步兵八百八十二名守兵三千

七十二名

中營千總一員把總三員外委千把總四員自順治十四年額設馬步兵丁一千名駐劄彝陵州康熙二十三年爲裁兵之成議已久等事裁二百名復分撥本標後營七十五名三十五年爲欽奉
上諭事撥往直隸古北口二十五名四十五年爲敬陳酌減兵丁等事撥往湖南鎮筵鎮標一十四名雍正七年爲密陳改土歸流事將本營把總一員撥往宜都營又撥往湖南永順協兵丁三十名八年爲欽奉

上諭事添補本營兵丁一十四名十二年爲奏明事撥

兵六十四名往衛昌營乾隆十八年爲詳請抽撥等事裁本營馬缺三分添補宜都營該營退出戰守三缺補還本營兵額現今實在馬步戰守兵丁五百二名內除各官弁及公費養廉八十六名實在操防馬步戰守兵丁四百一十六名內存東湖縣城馬步戰守兵丁一百八十八名分防東湖縣屬三司防塘馬步戰守兵丁一百七名其餘分防長陽縣

前營千總二員把總四員外委千把總四員額設兵丁一千名康熙七年爲請

旨事裁二百五十名二十三年爲裁兵之成議已久等
事裁二百名止存兵五百五十名後司汎廣兵單
詳請會題將本標中右二營兵丁撥補本營七
十五名共兵六百二十五名三十五年爲欽奉

上諭事撥往古北口兵二十四名四十五年爲謹陳酌
減兵丁等事撥往鎮寧鎮十四名雍正七年爲密
陳改土歸流事撥往永順協三十名雍正八年爲
欽奉

上諭事添補十四名現今實在戰守兵丁五百七十一
名內除各官弁公費養廉一百零五名實在操防
戰守兵四百六十六名內存東湖縣城二百七十
名四司防塘一百九十六名

雍正九年調中左右三營兵一百名赴陝西隨征青
海於十三年凱旋值容美土司改設州縣移右營
駐防議額設兵七百名因右營原額儘數抽調尙
不敷兵一百二十九名於中營撥六十四名左營
撥六十五名歸右營管轄以足定額其中營左右
二司減汎二處前後二司塘汎撥歸左營管轄尙
存城汎二處塘汎十二處又奉文兼管右營城汎
二處塘汎三十處一處共需兵三百二十名駐防彝

陵長陽二州縣僅存兵一百十餘名因請募補足額以資差操

又左營原額兵丁一千名舊駐劄彝陵州城於康熙十八年荆後鎮收歸彝陵移本營分駐興山縣兵額歷經裁汰現在實存五百零六名內分防東湖一十三塘共兵一百零五名

中營駐東湖陸汎二十一塘內左司官庄塘把總一員兵十名石橋河盤石舖杜家河三塘兵各四名蘆蓼溝雷家畝謝家蓬三塘兵各三名右司龍泉舖塘把總一員兵十一名天峰舖塘外委把總一

員兵五名磨子溪杉木嘴良田二塘兵各五名土門埡四名李家臺三名後司陳家崗塘把總一員兵十名界嶺塘外委把總一員兵八名木下玉塘兵五名彭家溪竹山口土樓子三塘兵各四名蹇家舖三名外長陽二十六塘

前營轄東湖陸汎十三塘水汎九塘內左司天台觀旱塘把總一員兵二十名土城寺外委把總一員兵三名泥水舖整洲舖二旱塘兵各五名右司黃陵廟水塘把總一員兵十六名南陀木瓜沱塔洞杉木溪四水塘兵各八名前司臨江水塘把總一

員兵十八名青草舖水塘兵八名南津關水塘外
委把總一員兵六名平善壩水塘兵八名土地嶺
魯家壩捲橋三旱塘兵各五名後司鷄子山旱塘
把總一員兵十八名黃龍寺舌頭嶺長冲口沈家
店青草舖五旱塘兵各五名外長陽二塘歸州一
塘

左營轄東湖旱塘小溪咸池口普溪大王坪老鴉鴻
霧頭河下坪新坪白洋坪石門寨松嶺頭婆婆寨
林家寨一十三塘兵一百五名

軍器營房教場
戰艦附

中營火藥局在東南城角軍裝庫在鎮署前内存貯
馬兵花盔甲四十七頂副步兵素鐵盔甲二百二
十五頂副步兵素棉銅頂盔甲一百三十一頂副
大旗九桿面小旗四十五桿面紅旗九桿面帳房
八十四籠偏橋八十四個鑼鍋八十四口鐵鋤鋤
斧八十四套鳥鎗一百五十二桿藤牌五十二面
牌刀二十五口虎帽衣褲鞋二十五套刷刀一十
八口火藥鉛彈各五千三百二十八斤改造鳥機
砲五位子母砲一位鐵罐子五位官行營砲三位
官馬蹄砲二十二位官牛蹄砲四十一位官小將

軍砲一十二位官提錄砲七位官夾籀砲四位大
小封口鐵子八萬九千二百零七斤一十二兩大
小倭翠彈子七千三百八十九斤四兩羣子六十
一斤官兵自備戰箭七千零二十枝

前營火藥局軍裝庫俱在城東內貯鐵盔甲三百八
十九頂副銅釘盔甲一百三十四頂副大旗小旗
紅旗共七十桿面套帳房偏橋鑼鍋鐵鋤斧各
一百件藤牌牌刀虎帽衣褲鞋各二十五件火藥
鉛彈各五千三百二十八斤烏鎗二百二十八桿
大小砲共一百一十三位大小鐵子九百三十二

斤六兩官兵自備戰箭五千一百二十枝

中營營房坐落鼓樓正街往北轉城隍廟雙堰塘並
東關正街南正街中書巷洗墨池等處共一百一
十三間

前營營房坐落城內城隍廟鼓樓街雙堰塘三處共
三十七間

前營戰船二十隻內獨桅戰船十隻五板戰船十隻
泊縣河下按期操演

大教場在北門外

小教場在城東南隅

民壯

彝陵州額設五十名雍正十一年撥給荊州通判并
江陵監利三巡司十四名十三年裁減十名是年
改東湖縣今存二十六名

按民壯之設以壯官威行則給差遣處則資捍
禦凡解犯護餉緝奸及防守城池倉庫諸役皆
倚辦焉宋有廂兵給諸州役使卽其所自始也
明太祖定江東循元制立管領民兵萬戶府後
詔邊民自備軍械團結時已用民兵然非名募
也正統元年始募所在軍餘民壯願自効者宏

治元年立僉民壯法以州縣大小定名數差等
歸有司訓練遇警調發給以行糧而禁役占放
買之弊富民不願入直聽官募補或稱機兵在
巡檢司稱弓兵此民壯命名之所由始也嘉靖
以後屢議增額然多徵銀以充召募崇禎末年
益議加增卒不果行人

國初順治四年沿舊設立因積久弊生久經裁汰嗣
是山東濟甯州牧被充受傷通飭復設每州縣
以五十名爲定額然數本無多分番更替甚至
以老弱備數終無益於防禦之實於是又有聞

縣知縣被戕之事復請革除部覆各州縣酌留十五名至三十名不等惟沿海及邊地苗疆封域遼闊方許照額存留從此楚省邊要之區亦經節年裁汰今東湖舊額五十名自雍正十三年承酌撥荆履之後復裁十名其隸編工食解司充公所存二十六名歲支工食銀一百五十六兩乾隆元年復加增修理器械銀二十六兩不入額編由司庫具領給發查縣治當楚蜀之衝伏莽竊發偶出所備之外且幅員數百里深林密箐急峽危灘中多為奸匪所聚雖自建鎮

以來專汛分防者星羅棋布而因地制宜所在均須防禦更無可裁今備考緣起詳書左方俾司事者核實簡閱隨時訓練庶可收庶人在官之益而亦所以不負當初設立之本意也
保甲

周禮大司徒施教法於邦國都鄙使之各以教其所治民令五家爲比五比爲閭四閭爲族五族爲黨使之相保相受相羣相救掌鄉合州黨族閭比之聯與其民人之什伍使之相安相受以比追胥之事此即今保甲之所由始也宋王安石祖其意籍

鄉村之民二丁取一十家爲保保丁皆授以弓弩教之戰陣其要在於訓練齊民使皆可戰稍復府兵之舊以減募兵紓民力有司奉行不善未收實效明王守仁撫贛檄各屬嚴行十家牌法令居城郭者十家爲甲在鄉村者村自爲保各自糾舉甲內有平時習爲盜賊者捕官究治其過惡未稔者報名在官諭令自新由是奸細無由藏匿所至削平諸賊蔡懋德備兵嘉湖因倣之爲簡便保甲法其要但令各甲止查十家中行徑可疑之人密首捕送尤爲易行至

國朝而制益詳備乾隆二十二年經直省督撫各就地方情形詳議咨部覆准頒行去其煩苛歸於簡易楚省自乾隆十七年逆匪馬朝柱事發之後經前臬司明德議刊條規復行清編乾隆二十二年又經前任署總督莊有恭咨請徹底復查責成道府督率無分城市鄉村水陸居民及雜色人等俱造入烟冊每十戶爲一牌十牌爲一甲設立甲長牌頭保正其牌頭照舊輪流承應保正甲長令紳耆公舉擇人點充凡例禁之事責令稽查首報其隣境差緝逃匪并許先行密同協捕獲犯報官三

年更替分別勸懲并將馬朝柱等逆犯年貌籍貫刊給賞格一紙諭令訪緝於是規條益爲明備

東湖縣東路盤石舖峰前舖峰後舖龍門舖龍泉場龍泉舖雙泉舖天峰舖大泉舖每舖各設保正一名甲長十名南路青草舖臨江舖九溪舖高陞舖蹇家舖界嶺舖長湖頭舖鷄子山舖沐漢浴舖大黃沖舖雲池舖每舖保正甲長共十名惟青草舖界嶺舖各二名蹇家舖甲長三名北路新興舖大溪舖下坪舖咸池舖大峰舖小峰舖羅惹舖普溪舖院庄舖大王舖霧頭舖三隅舖楞演舖樟村舖每舖保正甲長共十名惟樟村舖各二名霧頭舖三隅舖甲長各十名西路河西舖桃花舖望州舖石牌舖烏石舖五龍舖每舖保正甲長共十名西北神林舖黃牛舖果園舖袁家舖紙坊舖三斗舖三溪舖每舖保正甲長共十名惟社林舖各二名袁家舖止設牌甲五名

按保甲之設所以輔軍政之不及與塘汛相爲表裏歷代沿行至我

朝而益備楚居天下腹心而東湖當水陸要衝險灘密箐易爲奸匪嘯聚幅幘遼濶稽察尤嚴自復

查保甲以來馬戶亦給腰牌船隻皆編號次奇
戶單丁均各就近附編期於因地制宜獲收成
蠲散備考其顛末附載如左俾司事者慎終如
始力行罔懈庶可仰承

聖天子禦暴安民至意而亦所以輔成兵民相衛之政

云

附錄知縣林有席稟覆 制府諮詢地方情形

書保甲二條錄營制

一奉查疆域營制一款竊以疆域之廣輪戶口之衆
寡係焉官以治之兵以衛之故營制準乎疆域實

相表裏卑縣舊係彝陵州治自雍正十三年政府
增縣縣爲附郭衝邑與宜都當陽南漳遠安長陽
歸州興山七州縣犬牙交錯延袤週遭近五百里
城西南襟帶蜀江江左石皆右峰崩剝陡峻削成
西北路徑崎嶇非輿馬可以登涉城垣五里三分
猶州舊制年久坍塌前令詳准請帑席接任承修
現在募工取石起甃煨磚竦辦料充足另期興工
同城重鎮三營係順治十四年設立攷秦漢而下
稱彝陵爲楚蜀咽喉蜀漢北取漢中卽東爭彝陵
國家設兵衛民具有深意今領兵一千餘名塘汛五

十餘處星羅碁布訓練操防全城允資彈壓四鄉
實賴干城

一奉查保甲如何編查一款竊以詰奸禦暴無過力
行保甲一法凡以使民自相營衛一有不端鄉曲
里閭眾見周知無所逃遁可以交察而互糾也卑
縣保甲奉行已久每戶一牌十牌一甲十甲一保
於是有牌頭甲長保正之設自紳衿士庶軍籍兵
丁僧尼道士舖戶行店傭工流寓下至本地竊犯
苟係來歷明白無不分別編入乞丐亦有丐戶付
以腰牌船隻各編號次給以印照歷任相沿頗覺

井然不紊但查四鄉陁嶺危坡民間設廠搭棚而
居不成村落者多稽察殊難山路西通巴蜀北走
荆豫水次大江一道舟楫鱗集強半戕舸大艦負
販推橈人夫或出沒於深林密箐或窺伺於古渡
孤村席先後擒獲宵小匪犯七八十名大都不出
此輩實有編之不盡查之不及者夫鄉民守望相
助井田之遺意也閱月各自巡防每季共爲團練
卽所以維保甲之窮塘汎臂指相應保伍之化裁
也關津寄以盤詰城鄉賴以防護卽所以通保甲
之變庶每赴鄉曲抽查門牌或就水次點驗印照

遇鄉者保甲營汛人等並加曉譬使知彼此兼顧
兵民相衛之意不敢襲保甲空名期於因地制宜
變通行之而已以上舊志

兵官

中營遊擊一員守備一員千總一員額外外委一員
水師前營遊擊一員千總一員把總四員外委四員
兵制

現在戰守兵丁四百五十二名除分防各路塘汛外
實在城內差操兵丁二百五十七名

郭家河塘防一座自馬難坡移置于此

東湖縣志卷十五

軍政志下

武職秩官表

督軍事

向朗有傳

黃權黃武二年督江

北諸軍與吳軍相拒彝陵後降魏

吳西陵督

將軍

陸遜詳見大鍾離徇軍成西

步 騭 代陸遜陵

步 協

步 闡

陸 抗 有傳

陸 允 永安元年徵拜

西陵 督

張 政

劉 憲 一作留

成 據 征南將軍守西

晉 西陵督

步 闡 吳鳳凰元年

晉晉以闡為都督西陵諸軍事旋為吳陸

陳 城鎮

顧 覺 以信州刺史鎮

安蜀 城

宋 都指揮制置使

鎮撫使

太祖 韓保正 乾德元年

太宗 衛紹欽

真宗

高宗

解 潛

慕容德琛

公 軫

理宗 孟 珙 年節制

歸峽等州軍 馬詳名宦

明

鎮將

甘殷寶 字肇盤 江西南

昌人奉詔防峽 二年陞後府

僉事

郭寶 字瑤泉 南直隸

人從太祖起兵 以金吾將軍鎮

峽

千戶

許勝

常森 開平王 孫永樂

間以世職 防夔陵

常如山

常經

常椿

常屋

任世鼎 右營江 南人

張忠孝 有傳 洛 陽人

王世臣 陝西榆 林衛人

周熙 中營福 建人

李世邦 右營廣 東人

趙士義 右營正 黃旗人

顧天禧 右營湖 廣人

趙由高 右營山 東人

王允昌 浙江人 有傳

楊於廷 中營江 南人

朱應龍 中營江 夏縣人

閔學孝 前營武 昌府人

夏明宗

卷十一 軍政下

五

六年

四年

三年

二年

四年

五年

六年

七年

八年

九年

十年

十一年

十二年

十三年

十四年

十五年

十六年

十七年

十八年

四十年	趙士義 中營正 黃旗人	袁 管 右營江 南人
四十年	呂 怡 右營江 南人	薛之蘭 中營四 川人
三十九年	歐陽凱 中營福 建人	
三十八年	邵登雲 有傳真 定人	
三十七年	袁朝暹 前營松 潘衛人	
三十七年	李應源 右營江 南人	
三十七年	高正吉 中營陝 西人	胡雲龍 中營正 經旗人
三十七年	夏景涼 右營四 川人	洪其烈 中營江 南進士
三十七年	朱國桓 前營驍 藍旗進 士	郝尹茂 右營貴 州人
三十七年	徐聘尹 右營浙 江人	猛崇信 中營陝 西人
三十七年	常國仁 中營陝 西人	羅兼能 中營江 西進士

三十七年	杜 森 有傳甯 夏人	
三十七年	姜端會 中營山 東人	喻天柱 右營江 西人
三十七年	王良翰 前營廣 東人	
三十七年	王鎮維 右營直 隸人	韓 岳 中營江 南人
三十七年	治大雄 四川成 都人	彭文炤 右營
三十七年	王進昌 直隸四 川人	
三十七年	劉鳳翔 中營江 南人	

十三年是年改宜昌鎮
其總兵官應入
府志茲不列
長詳見書後

是年右營游擊
撥防鶴峯長樂
號備
昌營

乾隆
元年
二年

張蒲壁
前營
惠安

洪繼澤
中營直
隸人

八年

王福
中營
山西

九年

鄭昂
中營

十年

張秉正
中營
山西

十三年

蔣飛鵬
前營
廬陵進士

十五年

杜世勳
中營
甯夏人

十六年

余大佐
前營
歸州人

十七年

張國棟
中營
陝西人

張樹言
中營
正黃旗人

十九年

王秀
中營
四川人

二十年

陳正熙
前營
晉江人

王天位
中營
江南人

二十四年

彭翹翼
中營
四川人

王大有
中營
陝西人

二十六年

張復旭
中營
山西人

二十七年

右

國朝彝陵鎮總兵官十四人游擊四十六人旗鼓
都司一人守備三十四人

夔陵自三國時爲重鎮治軍旅有專司與太守
刺史並置自晉至宋元史略不詳明以世職守
禦而失傳者多故皆表其可考者至

國初時建五營獨中前右三營駐州城自改土歸流
添設衛昌營移右營駐防鶴峯長樂故書中前
二營制尤詳表倣此至列總兵官斷自雍正十
三年以前自置府後改宜昌鎮則應歸府志以
重專閫千夫長以下不具載蓋亦倣通志武職
表列叅游以上之例其有忠悃異尋常歷著勤
勞者亦收之列傳觀斯表者念

國家並建之意溯功德不朽之由亦可知發名成業
之必由已也夫

戰守附

周赧王三十七年癸未楚項襄王之秦白起伐楚拔

郢燒夔陵史記楚世家

漢更始二年田戎起夔陵建武三年岑彭與秦豐相
趙京共圍豐於黎邱時田戎擁衆夔陵聞秦豐被
圍懼大兵方至欲降妻兄辛臣諫戎曰今四方豪
傑各據郡國洛陽地如掌耳不如按甲以觀其變
戎曰以秦王之強猶爲征南所圍時岑彭遷征南大將軍豈

况吾耶降計決矣四年春戎乃留辛臣守夔陵自將兵沿江沂沔止黎邱刻期日當降而辛臣於後盜戎珍寶從間道先降於彭而以書招戎戎疑必賣已遂不敢降而反與秦豐合彭出兵攻戎數月大破之其大將伍公詣彭降戎亡歸夔陵帝使彭與傅俊擊田戎大破之遂拔夔陵追至秭歸戎與數十騎亡入蜀盡獲其妻子士眾數萬人彭以將伐蜀漢而夾川谷少水險難漕運留威虜將軍馮駿軍江州都尉田鴻軍夔陵領軍李元軍夷道每引兵還屯津鄉當荊州要會九年公孫述遣其將任滿田戎程汎將數萬人乘枋單下江關擊破馮駿及田鴻李元等遂拔夷道夔陵縣據荆門虎牙橫江水起浮橋鬪樓立攢柱絕水道結營山上以拒漢兵彭數攻之不利於是裝直進樓船冒突露檣數十艘十一年春彭與吳漢及誅虜將軍劉隆輔威將軍臧宮驍騎將軍劉歆發南陽武陵南郡兵又發桂陽零陵長沙委輸棹卒凡六萬餘人騎五千匹皆會荆門吳漢以三郡棹卒多費糧穀欲罷之彭以蜀兵盛不可遣上書言狀帝報彭曰大司馬習用步騎不曉水戰荆門之事一由征南公

爲重而已彭乃令軍中募攻浮橋先登者上賞於是偏將軍魯奇應募而前天風狂急彭奇船逆流而上直衝浮橋而橫柱鉤不得去奇等乘勢殊死戰因飛炬焚之風怒火盛橋樓崩燒彭復率軍順風並進所向無前蜀兵大亂溺水者數千人斬任滿生獲程汎而田戎亡保江州

後漢書

建安十三年周瑜使甘甯前據彝陵曹仁分衆攻甯甯困急使使請救諸將以兵少不足分呂蒙謂諸將曰留凌公績蒙與君行解圍釋急勢亦不久蒙保公績能十日守也又說瑜遣三百人柴斷險道

賊走可得其馬瑜從之軍到彝陵卽日交戰所殺

過半敵夜遁去行過柴道騎皆舍馬步走兵追蹙

擊獲馬三百匹方船載還

吳志列傳

建安二十四年孫權潛軍而上使陸遜與呂蒙爲前部至卽克公安南郡遜徑進領宜都太守拜撫邊將軍封華亭侯備宜都太守樊友委郡走諸城長吏及蠻夷君長皆降遜請金銀銅印以假授初附

吳志

章武二年春正月先主軍還秭歸率諸將進軍緣山截嶺於夷道猓亭駐營自佷山通武陵遣侍中馬

出遜曰所以不聽諸君擊班者揣之必有巧故也
遜上疏曰彝陵要害國之關限雖爲易得亦復易
失失之非徒損一郡之地荊州可憂今日爭之當
令必諧備干天常不守窟穴而敢自送臣雖不材
憑奉威靈以順討逆破壞在近尋備前後行軍多
敗少成推此論之不足爲戚臣初嫌之水陸俱進
今反舍船就步處處結營察其布置必無他變伏
願至尊高枕不以爲念也諸將並曰攻備當在初
今乃令入五六百里相銜持經七八月其諸要害
皆以固守擊之必無利矣遜曰備是猾虜更嘗事
多其軍始集思慮精專未可干也今住已久不得
我便兵疲意沮計不復生犄角此寇正在今日乃
先攻一營不利諸將皆曰空殺兵耳遜曰吾已曉
破之之術乃勅各持一把茅以火攻拔之火勢甚
盛遜率諸軍同時俱攻斬張南馮習及胡王沙摩
何等空破其四十餘營備將杜路劉甯等窮逼請
降備升馬鞍山陳兵自繞遜督促諸軍四面蹙之
土崩瓦解死者萬數備因夜遁驛人自擔燒鏡鎧
斷後僅得入白帝城其舟船器械水步軍資一時
略盡尸體漂流塞河而下備大慚恚曰吾乃爲遜

所折辱豈非天耶 吳志

吳永安七年二月鎮軍陸抗撫軍步協征西將軍留
平建平太守盛曼圍蜀巴東守將羅憲七月魏使
將軍胡烈步騎二萬侵西陵以救羅憲陸抗等引

軍退

吳志○舊志云延熹十三年荆州吏胡烈攻西陵誤

吳鳳凰元年西陵督步闡據城以叛遣使降晉陸抗
聞之即部分諸軍令將軍左奕吾彥蔡貴等徑赴
西陵敕諸營更築嚴圍自赤溪至故市內以困闡
外以禦寇晝夜催切如敵已至眾甚苦之諸將咸
諫曰今以三軍之銳亟以攻闡比晉救至闡必可

拔何事於圍而以疲士民之力乎抗曰此城處勢
既固糧穀又足且所繕修備禦之具皆抗所宿規
今反身攻之既非可卒克且救必至至而無備表
裡受難何以禦之時晉羊祜率師向江陵諸將皆
以抗不宜上抗曰江陵城固兵足無所憂患假使
賊沒江陵所損者小若今西陵失守則南山諸夷
騷動甚可憂患吾甯下棄江陵爾進據西陵况江
陵完固乎晉楊肇率兵至西陵都督俞贊亡詣肇
抗曰贊軍申舊吏知吾虛實者吾嘗慮夷兵素不
簡練若敵攻圍必先此處即夜易夷兵皆以舊將

充之明日肇果攻故夷兵處抗命旋軍擊之矢石
雨下肇眾傷死甚多肇計屈夜遁抗追之而慮闡
蓄力養銳伺視間隙兵不足分於是但鳴鼓戒眾
若將追者肇眾恐懼悉解甲挺走抗使輕兵躡肇
大破敗祐等皆引軍還抗遂陷西陵誅夷闡族修
治城圍東遷樂鄉

吳志陸抗傳

晉咸甯四年帝欲伐吳以杜預代羊祜都督荊州諸
將事預至鎮繕兵甲耀威武簡精銳襲吳西陵督
張政大破之政吳之名將據要害之地恥以無備
取敗不以所喪之實告於孫皓預欲離間之乃表

還其所獲之眾於皓皓果召政別遣劉憲代之遂
成摧敗之勢

晉書杜預傳

晉武帝太康元年正月王濬樓船發自成都攻吳丹
陽剋之吳人於江險積要言之處並以鐵鎖截之
又作鐵錐長丈餘暗置江中以逆距船先是羊祜
獲吳間諜具知情狀濬乃作大筏數十皆方百餘
步縛草爲人被甲持杖令善水者以筏先行筏遇
鐵錐輒着筏去又作火炬長十餘丈大數十圍灌
以麻油在船前遇鎖然炬燒之須臾融液斷絕於
是船無所礙二月庚申剋吳西陵獲其鎮南將軍

留憲征南將軍成瑋

晉書列傳

成帝咸和五年十月丁丑李雄將李壽寇巴東建平

監軍母邱與太守楊謙退歸宜都

晉安帝元興三年劉裕平桓元餘黨桓振遣桓放之

入益州屯夔陵毛璩遣涪陵太守文處茂東下處

茂遂以蜀太守行宜都郡事拒戰放之敗走

南齊元興間梁王興師攻齊齊蕭惠訓遣子瓚拒梁

梁蕭穎胄遣汶陽太守劉孝慶進兵峽口與巴東

太守任漾之宜都太守鄭法紹禦之蕭瓚等破劉

孝慶於峽口巴東太守任漾之見殺

南齊書列傳

梁元帝承聖間武陵王紀次兵西陵舳舻翳川旌甲

耀日軍容甚盛元帝命護軍將軍陸法和於峽口

夾岸築二壘鎮江以斷之紀遣所署度支尚書樂

奉業至於江陵論和輯之計依旨還蜀元帝知紀

必破遂拒而不許侯景戍巴東民符昇徐子初等

斬紀峽口城主公孫晃降於眾軍王琳宋筵任約

謝答仁等因進攻侯叡陷其三壘於是兩岸十餘

城遂俱降將軍猛獲紀及其第三子圓滿俱殺於

峽口

梁書列傳

梁侯景遣將任約擊湘東王陸法和詣王請兵擒之
既還謂王曰侯景自然平矣無足慮者蜀賊將至
法和請守巫峽待之乃搃諸軍而往親運石以填
江三日水遂不流橫之以鐵鎖武陵王紀果遣蜀
兵來度峽口勢蹙進退不可王琳與法和經略一
戰而殄之

陳宣帝大建五年己巳吳明徹軍次峽口克北岸城

南岸守者皆棄城走陳書宣帝紀

大建二年八月庚午通直散騎常侍淳于陵克臨江
郡九月癸未周臨江太守劉顯光率眾內附是夜

耀日陳人望之皆懼陳南康內史呂仲肅屯岐亭

正據江峽於北岸纜岩綴鐵鎖三條橫截上流以

遏上流素與仁恩登陸俱發先攻其柵仲肅夜潛

素夜去其鎖陳主遣其信州刺史顧覺鎮安蜀據

荊州刺史陳紀鎮公安皆懼而走

唐武德元年梁蕭銑遣楊生攻峽州刺史許紹擊破

之唐書列傳

武德四年九月李靖舟師叩夔陵蕭銑將文士宏以

卒數萬屯清江王孝恭欲擊之靖曰不可士宏健

將下皆勇士今新失荆門悉銳拒我此救敗之師

不可當宜駐南岸待其氣衰乃取之孝恭不聽留

靖守屯自往與戰大敗還賊委舟散掠靖視其亂

縱兵擊破之

唐書列傳

宋乾德二年十一月乙亥宴西川行營將校於崇德

殿示川峽地圖授攻取方略賜金玉帶衣物各有

差

宋太祖紀

乾德二年冬伐蜀詔以劉光毅為歸州行營前軍副

部署曹彬為都監峽中郡縣悉下諸將咸欲屠城

以逞其欲彬獨申令戢下所至悅服上聞降詔褒

之

宋史曹彬傳

太宗淳化五年五月庚午李順攻夔州峽路都大巡

檢白繼贊夔州巡檢使解守顯大敗其眾於西津

口斬首三萬級獲舟十餘艘

宋太祖紀

宋真宗咸平二年慕容德琛轉崇儀副使荆湖北路

鈐轄蠻擾澧鼎境上德琛戰於北溪奪耕牛鎧甲

斬馘以歸徙峽路鈐轄未至復知夔州景德中領

涪州刺史復任峽路

宋史列傳

高宗建炎四年五月劉超據荆南分兵犯峽州

宋史高宗

紀

元世祖至元十一年四月阿里海牙兵至沙市城不

下縱火攻破之及諸洞無不降者盡奏官其所降

官以兵守峽籍其戶口財賦來上帝喜大宴三日

元史阿里
海牙傳

順帝至正十三年十二月荅失八都魯趨攻峽州破

偽將趙明遠木驢寨陞四川行省右丞賜金繫腰

十四年正月復峽州

元史荅失
八都魯傳

明崇禎六年闖賊犯夔陵歸巴等處破夔州

明史李
自成傳

崇禎十一年楊嗣昌督師夔陵檄令李自成降自成

出謾語官軍圍自成於巴西魚復諸山中自成大

困欲自經養子李雙喜勸而止賊將多出降

明史
李自成

成傳

崇禎十五年十二月戊辰闖賊以數萬騎至樊城左

良玉乘高飛礮殺賊十餘騎賊從間道至白馬渡

臨江欲渡良玉移營拒之賊不得渡良玉拔營而

南賊亦不敢逼自成切齒於良玉每戰必力良玉

懼不敢復與爭鋒故恒避之己巳襄陽陷賊分兵

陷夔陵宜城荆門向荊州良玉全師出漢口遂下

武昌次於金沙洲賊逼荊州甲戌偏沅巡撫陳

謨棄荊州奉惠王走湘潭自成遣賊將馬守應據

夔陵辛巳自成至荊州士民開門迎之賊入荊州

荆州諸縣土寇蠶起

明紀事本末

崇禎十六年自成使賊黨蘭養成牛萬成守彝陵旋

襲殺養成

明史李自成傳

崇禎十七年老回回屯彝陵官軍擊敗之諸縣多恢

復

明紀事本末

崇禎十七年甲申三月初八日逆賊張獻忠自荆入

彝據其城至十九日慘驅婦女平城官私衙舍焚

燬無遺

舊志

皇清康熙十四年有房賊楊來嘉勾通滇逆滇逆欲由

歸州取道彝陵入犯彝陵鎮徐治都奉湖廣總督

蔡毓榮檄遣兵弁北自南津關至鎮境山茶菴南

自童公橋青草灘至虎腦培峰山各隘防守并於

沿江置戍與遠安營汛襄鎮官兵聯絡聲援協力

保障閏五月賊艘窺由水路潛進絡繹上行陸路

賊眾渡江北自三關城桃坪一帶連營逼鎮境山

掘壕安塹與大兵相持彝陵鎮徐治都飛報貝

勒及總督大約言彝陵為險要重地平昔當楚蜀

咽喉目前實荆襄心腹今業已三面受敵米糧樵

牧惟東路一線是賴若不先為之備恐逆賊窺伺

突發截遏糧道終非長策請檄督標分防叅將李

懋功移駐彝屬峰寶山以疏糧運與荆門當陽等營沿途互相策應并請益兵協剿貝勒與總督分遣官弁明國鼎王大成等領兵先後馳援復預撥糧餉火藥軍器尅期轉運接濟於是李懋功及彝陵中軍紐維政等自盤石舖峰寶山龍泉舖天峰舖一帶沿途安站直接當陽各汛犄角聲援其觀音砦羅漢峪亦分兵防守逆賊旋潛師伏官庄等處謀奪峰寶山人犯大兵益分駐協防日夜爲固守計把總雄得勝卽才率健兵沿東路偵探行至塔泥正遇逆賊來犯二弁奮勇前進殺傷二十餘人生擒長髮賊李開帶赴軍前會鞫具得滇逆親率水陸賊魁全陶劉牟某等已至河西趙家坪謀欲渡江入犯供狀益嚴加防禦滇逆竊據西塞相持六載至十九年兵疲意阻潛行逃竄未幾而殄滅無遺焉

康熙十四年彝鎮隨標效用劉朝鼎潛通逆黨劉陶二賊持僞劄招右營游擊王三俊同叛三俊卽擒之而密以其事聞隨赴荆州請兵赴援危城獲全旋逆犯皆就擒并黨與皆伏誅藉朝鼎家以賜三俊加都督僉事事平以總兵用

康熙十九年九月滇逆餘黨譚宏投誠封慕義侯鎮川北旋自保甯潛遁竊據重慶進逼夔巫四川道梗聲息不通署夔州府知府阿達禪昌甯營游擊王遇春告急請援彝鎮後營游擊王世祥亦同時報聞於是提督徐治都先後檄調本標前後二營游擊查哈廉許嘉謨及彝鎮水師副將傅爾學前營游擊劉進朝督兵分防歸巴并移催彝鎮嚴宏速赴新任相機策應彝鎮中營游擊羅光大增兵防南津諸汛撥守備楊桂芳等率兵前進鎮探復以夔巫已陷巴歸未宿重兵灘水坦平恐賊旦夕

順流下則夔陵有纍卵之危而彝鎮左右二營官兵久移駐常德汎廣兵單不敷防禦申請撤回協守總兵嚴宏隨於九月初二抵任次日即出視師具咨將軍督撫議擊夔巫以通餉道十七日奉兵部密劄令將軍噶爾漢范達禮等速進夔州討賊提督徐治都以軍行迅速內地難虛備咨彝鎮轉飭五營於水陸各汛增兵防衛時奉

旨飭護軍統領佟佳領滿洲兵赴四川進勦署副都統張長庚統領漢軍官兵一千員名限一序至彝陵鎮守并差戶部郎中額爾格圖吏部郎中范承勳

各馳驛赴彝陵督催官兵進勦其滿洲漢軍各官
兵俱於十月十四日到彝喂馬二十日入川進
張長庚所領兵即着范承勳催赴噶爾漢軍前聽
用

雍正九年西征準噶爾調彝陵鎮中左右三營兵二
百名赴陝隨營進勦於十三年凱旋

雍正十三年六月調前營官兵赴貴州協勦鎮遠逆
苗事竣還營

乾隆五年調前營官兵協勦湖南城綏逆苗旋奏捷
還

乾隆十三年征金川逆酋王大臣議調湖南北兵各
四千名隨經略進勦內宜昌鎮標四營派馬兵三
十名步兵五十名守兵三百二十名俱歸彝鎮馬
大用總統領赴軍營聽用中營游擊鄭昂隨往旋
於十四年二月十八日行至重慶奉文行知班師
統兵官弁仍由原路回營

平蠻事蹟

附

宜都天門巴東建平江北諸郡蠻所居皆深山重阻
人跡罕至屢爲人患劉宋景平二年宜都蠻帥等
一百二十三人詣闕上獻元慶七年宜都蠻田生

東漢書卷一百一十五
等并詣闕獻見孝武大明中建平蠻向光侯寇暴
峽州巴東太守王濟荊州刺史朱修之遣軍討之
光侯走清江時建平宜都巴東天門四郡蠻爲寇
諸郡人戶流散百不存一順帝時尤甚荊州爲之
虛弊云

周天和初信州蠻蛋據江峽反叛連結二千餘里詔
陸騰討之騰沿江南而下軍至湯口分道奮擊所
向摧破乃築京觀以旌武功

隋煬帝時黔安首領田羅駒阻清江作亂夔陵諸郡
人多應者詔榮擊平之

宋熙甯中天子方用兵以威四裔湖北提點刑獄趙
鼎上言峽州洞蠻衆願內屬時峽州蠻舒光秀以
刻剝無度其衆不附辰州布衣張翹亦上書言南
江諸蠻雖有十六州之地惟富峽叙僅有千戶餘
不滿百土廣無兵加以荐饑近諸蠻自相仇殺衆
苦之咸思歸化願先招富峽二州俾納土則餘州
自歸詔下知辰州劉策商量策請如翹言乃遣章
惇察訪未幾策卒乃以石鑑爲湖北鈐轄助惇經
理明年富州歸順繼而光銀光秀等亦降於是江
北諸蠻亦相繼納土創立城砦使之比內地爲王

民

雍正十三年容美土司田旻如負固拒命旋畏罪自縊各土目率眾投誠經總督邁柱題請改土歸流添設鶴峰長樂一州一縣於夔陵州建立府治原設夔陵州改爲附郭首縣歸州裁去直隸字樣同所屬之長陽興山巴東三縣併添設之州縣俱歸新府管轄移舊營額設官兵分防鶴峰長樂仍隸宜昌鎮標

附錄

軍政志書後

楚於天下爲腹心荆洲其屏蔽也夔陵其咽喉也今改東湖居荆上游當三峽之口設險守隘自周秦以來千八百餘年楚蜀有事多先受兵按楚入蜀有二道其一水陸皆取道東湖一則沿江達夔水而東史記張儀說楚王所云舫船載卒一日行三百餘里不十日而拒捍關者是也攷其地在今長陽縣境吳漢伐公孫述夔水湮塞不勝戰艦遂不復由此路其後荆梁告警苟用舟師必循江峽余編新志錄戰守之事尤詳因得綜論古今成敗得失之故莫善於三國

之吳莫不善於有明之季昭烈北取漢中卽東
爭彝陵諸葛出草廬亦先規取荆益此勝算也
惜樊友委城而走孟達劉封相率懷貳荆州失
後援前將軍遂以亡陸遜一據其城遂招徠蠻
夷內附宿兵增城建督鎮之厥後陸抗討步闡
至甯棄江陵而必爭此地遣表尤惓惓西事倘
非張政喪師留憲死綏自撤藩維盡如所料亦
烏知老謀遠慮具有先見之明哉明初建衛荆
州於彝陵設千戶所臂指聯絡始謀未爲不臧
然開平子孫中葉失職有警則增設備兵督師
重臣僅規目前無關大計迨妖氛萃於三楚彈
丸一州疊受屠戮彝陵失則荆州危荆州危則
全楚震宜前鎮帥徐治都兢兢以腹心重地方
陳之封疆大吏者歟我

朝奮武揆文損益前代設協建鎮皆因地制宜
藩限一衣帶水竊據六年卒不能渡江入犯及
改土歸流以後垂三十年蠻禍爲之倏靖用武
要區化險成彝匪獨師武悍力也

廟謨方略規畫萬全實與天堦人事交協旨哉

天子有道守在四裔編書至此不禁額手而稱慶云

以上舊志

按舊志康熙朝中營遊擊遺漏四人前營遊擊遺漏一人今依通志補附於此

武職秩官表

總兵官

遊擊

守備

康熙

劉明道 宣化人

三年

劉紹周 陝西人

四年

黃明珠 福建人

五年

杜明禮 陝西人

五年

倪興 福建人

九年

蘇正興 東莞人

二十四

杜文彬 武陵人

三十四

國名震 人

八十四

馬魁 人

二十四

劉魁龍 人

四十四

陳王凱 人

六十四

陳元 人

八十四

叩作訓 人

四十四

李蔭裳 人

七十四

王重晶 人

六年 嘉慶二年	烏爾卿 額 環藍旗人
四年	海秀 鑲黃旗人
四年	陸祖德 嘉定人
四年	卬章 福建人
五年	歐光國 林州人 進士
七年	楊安
七年	馬洵 杞縣人
七年	劉萬美 山東人 武舉
道光三年	樊從典 施州府人 武舉
七年	王凱全 浙江人
	王廷桂 南漳人

八年	杜鴻盛 山東人 武舉
十三年	高福陞 廣東人
十六年	倭仁布 正黃旗 蒙古人
十九年	蘇元戎 河南人 進士
二十一年	樊爽 施南府 人一等
二十二年	世襲
二十三年	謝正國 江蘇人
咸豐元年	張天篤 河南信陽州人
	武生

東月系云

卷十五

武

二年

鍾良保 湖南人

阮春光 河南人進士

八年

瞿定國 湖南長沙人

吳金鏞 漢陽人武舉

十年

劉穆精額 荆州防世襲

田達三 武昌人

十一年

農依本 廬白旗滿州人

蕭長林 武昌府江夏人

同治元年

由荆門遊擊署任

劉森立 襄陽穀城人

二年

羅必達 漢陽人

右自乾隆二十八年以後用舊志例總兵不入年表者避府志重專閫也千總以下不入表者不勝紀也咸豐間再閱兵火營中無卷可稽今

但列其可考得遊擊二十八人守備九人

戰守

嘉慶三年四川白蓮教逆首張漢朝率其大眾犯當

陽將偪邑境武生樊失其名合鄉勇數千力戰却之

賊走入蜀五年復至二月二十五日乘霧越山我

軍不覺樊生與勇卒殲焉

嘉慶三年白蓮教逆首張漢朝率其大眾犯邑境至

遠望壁王狀元者不知何許人也與孫阿二將往

禦之賊乘銳索戰王狀元怒欲突其陣二將力止

之不聽單騎出搏賊圍之縱火燔枯草環擊以礮

王狀元焚死軍大劔

嘉慶五年六月十一日川賊勾紹九自文家河至龍泉場盤踞一晝夜焚水府廟房屋二十餘廂殺人無數十二日從吳家灣去

是年八月二十九日逆首張漢朝自高家冲至宋家嘴場盤踞一晝夜遊騎至龍泉場金巴嶺次日從陳家河去

咸豐四年四月粵逆自當陽偵知宜郡防兵赴調未歸城中無備自東部疾馳陷之逆肆殺掠燔燹官署幾盡嘯踞旬日今閣督官公文時爲荊州將軍遣兵復之

咸豐四年四月粵逆陷郡城營兵戰死者未及十人七年正月襄賊犯郡城營兵與之戰多子橋及城中死者四十餘人

咸豐四年逆匪掠北鄉鎮境山頗有焚殺七年襄匪自興山入邑之新興舖距小溪塔復肆焚掠與官軍戰沙河之朱家嘴場損兵民甚衆

咸豐七年正月十五日襄匪自霧渡舖分犯三隅舖焚掠民舍

咸豐七年正月襄匪糾合游勇自興山潛進候補知

縣蜀人李光榮率勇往禦與賊相左其麾下變刺光榮死導賊入襲郡城陷之殺掠一如粵逆縱火焚公解略盡留十日官兵至乃走

咸豐七年正月十七日襄匪自邑北境入犯署中軍遊擊訥穆精額率師禦之戰邑屬之夜明珠死焉中營額外廖康華亦死之同時宜都營領哨千總王代雄亦戰死於多子橋

咸豐十一年調赴施南防勦之右哨千總談尙榮及外委余文富並戰死於來鳳縣屬望城坡麋子峽

昭忠祠名目

歐凱守備張朝龍千總李光千總汪世瑛千總

唐宗莒千總胡金柱把總王大凱把總徐正科把總

劉廷槐外委王進外委陳元外委富光耀外委

劉正秀外委陳永年千總余開國外委田繼秀把總

李朝元兵丁孫萬春 何維綱 李玉春

游萬春 張士林 李申 甘學忠

周紹進 戴天義 詹士太 張遠志

萬天華 張國富 樊升 羅士林

李國太 章勝秀 李配玉 賈上選

葉貴 馮升 何云 蔡世太

易得 李國忠 黎應祥 何國太

王林 劉云海 董宗元 賈大順

彭文秀 萬大金 張景元 余升

覃萬金 華升 劉宏開 王開華

黃士印 鄧龍 鄧國太 朱宏升

羅勝 董士儒 蕭上友 汪世太

徐金一 甘忠遠 羅士康 吳發祥

王愷 邵太 宋應昌 涂大勇

楊元 曾佳華 楊連升 王奎

曾學文 徐學禮 邵本桂 余宣

邵祖耀 陳忠信 陳清 牛忠元

高升 王廷義 李榮 陳作義

羅上邦 趙元 汪廷英 陳章

劉廷英 黃應科 陳士義 王大恩

陳得華 余長林 黃有章 朱魁茂

田明 萬朝綱 楊其林 蔡正英

侯正朝 周連 朱正茂 嚴章明

李傳富 向朝太 王得勝 廖得舉

牟發祥 李綱 邵金元 楊之典

孔文斌 楊發科 李登魁 王貴

楊正全 程發浩 陳志運 趙正倫

楊林 閻正 彭發 楊其富

劉宗秀 魏學勝 李萬年 羅興周

蔡秀 李太 張允太 曾士望

甘學廉 田世英 黃大貴 陳應科

姜勝宗 譚升 羅上珍 馬得

曾大國 戈士元 王珍 黃緒倫

吳光華 胡朝龍 全升 楊玉

楊光云 周充育 柳起云 徐應中

曾文 羅士舉 熊貴 黃宗貴

羅富 趙維海 王得順 王宏光

楊得茂 黃起龍 范學文 方廷梅

侯國安 魏大升 黃先才 趙日恒

王正太 馮勝朝 楊國彬 李作棟

喻興朝 趙啟秀 閻洪 叩云

吳龍 余文烈 周懷德 朱得升

毛文太 黃應舉 楊宗順 馬光堯

范洪 趙鳳全 楊應鳳 羅士賢

劉玉科 周全 劉升 喬明

張美才 陳忠 王發云 曾士綱

吳士云 葉許周 張國義 苗太

盧義槐 牟大經 吳開連 李永升

龍宣 闕正得 周應魁 王爾云

沈發第 陳元 孔上賢 吳士龍

彭應龍 馮章武 李正和 楊春

陳鳳 李忠 董廷秀 王連

况廷光 張啟龍 王國科 李應鳳

施志魁 王允久 鄔正貴 楊學書

周應下 陳正順 劉國章 海元義

王方 陳太 張勝州 蔡國順

周士榮 陳懷廷 卬貴 李開文

謝升 張學文 陳富 鄧貴

蔡大志 毛洪秀 張大勳 李學成

文敏善 張堯明 冉得貴 張正

胡明亮 羅先富 朱明 楊坤

吳順 黃登高 田鳳 黃玉華

王開科 黃典 楊得元 楊俊

李忠孝 羅啟華 周正榮 張正興

張玉華 劉占得 周云錄 張成

江宗富

聶啟麟

李富

向允保

鄒文道

兵丁

羅士文

陳青貴

余得勝

陳洪孝

胡士云

楊彪

劉士年

魯勝錫

趙相朝

劉正升

張星

向元升

劉起忠

陳盛

黃玉

田維綱

李可

田端

曾守榮

以上兵丁

李得先

陳啟順

余友明

楊日瀛

劉應祥

楊德

楊士貴

張天順

周孝

閻文舉

余宏太

張士揚

譚溶

譚潤

蕭起本

向文林

楊得升

劉宏治

夏其祿

李明

張先

張連升

余文彬

高元

鄭光德

聶登科

何成龍

胡以堯

楊應惠

曹光耀

王錦秀

鄧朝相

周正太

傅兆林

樊應珍

喻開棟

曹天貴

唐學云

許升

許鳳

聞之義

梁仁

牟發蔭

熊升

馬在明

朱永貴

楊升

鄧有升

鄧正國

王明安

范必云

彭宗貴

江貴

陳得林

王光

劉玉國

身流縣志 卷一五 軍政下

廿五

鄭光得 楊之宏 鄧上德 喻國林

張洪 鄧祥 楊林 海元龍

羅廷英 馬維堯 盛學仁 李青山

胡紹春 汪子義 卜得升 向貴

張貴 楊光遠 王廷選 王盛才

高文德 黎高德 彭啟雲 李楚恒

陳忠 李之忠 楊士貴 龔升

韓龍 劉志 李得和 朱國林

何宜春 楊天貴 吳大榮 孫云

盧長升 高登富 袁廷彪 王正順

劉開朋 蕭貴 楊德懷 陳文貴

陳發 陳志 周秉宜 張得雲

蕭鳳 鄒順 梁得義 馬翊貴

孫孔堯兵丁 余昌福 王玉 喻明高

王宏順 李貴 何金 王大啟

梅雲 熊君太 殷萬年 韓成儀

龔魁 雷世綱 李太 王應方

陳文 周雲龍 周紹康 劉太

馬大德 陳世太 劉文科 鄒順

蕭永太 李明 陳世貴 蔡文

東湖縣志卷十五 軍政下 共

萬大順 王正太 夏正光 曾升

朱元善 李正秀 李正 徐元

李興臣 劉文運 焦承恩 張文舉

王運昌 許青 張必富 雷世德

陳士富 楊兆林 劉洪貴 陳明

謝升 王正舉 陳洪仁 鄭升

藍之鳳 沈國太 喬宗堯 金玉

王清 周儀 張文魁 楊順基

閻琪之 羅得 張正信 陳連

周致學 王大有 汪清 劉科舉

孫文大 王元會 朱元榜 周大典

傅登堯 白銘 羅士德 唐恒山

張得才 李國龍 陳士得 王金

王升 易正國 陳士有 鄒維禹

毛之祥 許青 鄧順 張太

陳鳳 牟大用 陳虎 楊耀先

石太 張貴 趙永康 陳士貴

胡應舉 陳得明 王正倫 徐起龍

馬步雲 高發任 傅宗順 覃貴

閻大朋 劉世鳳 張士茂 譚起龍

黃國榮 劉永太 周升 葉太

陳得 陳之得 宋國獻 李大朋

熊科 覃志德 譚應科 徐開榜

陳上德 楊全 龍友富 陳之漢

劉應舉 艾升 萬太 易相臣

劉文遠 易正朝 胡朝相 黃忠

雷得貴 王永正 王大升 徐正升

田金太 楊士富 劉文茂 鄒維堯

柳青元 毛得 陳舉萬 張聖五

劉宗 鄭永順 陳日昇 史修貴

趙成龍 柏尙志 曹升 楊士海

張光平 楊茂 倪名敖 牟浚雲

楊榮 魏佳秀 劉文彬 王容

李青 楊龍 張恒昇 閻順

王朝桂 劉升 陳明太 吳利貞

羅維柱 夏志國 彭志勇 陳佳順

袁林 謝廷文 李洪得 許正貴

李升 高德升 古升 黃光烈

王龍 楊云 喻名先 陳大貴

萬順 陳和順 魏學以上兵丁 吳洪太

王印年 吳永太 孫能禮 董佩玉

楊澤貴 王大相 丁文龍 楊允忠

劉必榮 李勝得 陶德 陳士元

馬世龍 李登鰲 楊澤富 王永培 生員

楊永升 生員 彭愷 生員 戈成武 鄉勇 王耀南

鄒光耀 楊天華 楊漢溶 彭文貴

孫大連 孫得元 周遠 陳得三

黃老 吳明如 李士年 王正邦

王正朝 聶廷芳 譚金朝 蔣上全

楊斌 楊一周 楊金萬 楊正朝

劉金選 楊文書 劉文光 張孝珍

李定言 秦良才 甯貴 卞國

江文仲 江老六 姜日紹 文大仁

任之鳳 文斌仁 劉之達 陳開熹

李克富 吳志龍 史昌北 李大有

傅大朋 胡永年 傅永安

鄧天俊 符正朝 陳永和 周鳳

柴文珍 閔習秀 王宏岳 黃得前

陶貴 曹超 鄔耀遠 孟得貴

楊順天 李郁龍 陳金玉 李國選

吳雲萬

譚忠成

曹名榜

鄭士桓

曹殿太

易顯周

吳國柱

劉倫先

劉雲

胡珍

李克情

劉學萬

高國珍

王道富

楊四

易起洪

劉國志

胡啟鳳

馬老五

楊茂林

崔雯

鄧存澐

萬飛鹿

宋佑邛

王法守

魏成

趙岐揚

蔡思益

羅光忠

石之璠

趙時宇

徐靈

呂應選

陳笏山

李萬賓

張大力

黃朝貴

曾正朝

劉萬順

戈愷

盧名順

嚴正一

姜登佐

張其惠

何思年

蕭治世

馮能馭

王介

徐雨化

江福海

王夢魁

陳斯才

屈拱

劉貴

牟志高

方升

鄧理

楊必先

李勝

陳天聚

黃達冲

張必勤

葉成玉

李際遠

劉之芳

廖云

馮富

張誠

田生稼

秦克和

劉士貴

黃貴

蘇柏

周維祥

劉啟文

黃忠

蔡國倫

盧奇

劉光達

牟發元

頁月絲云

卷十五軍政下

四

張祥 劉自勇 黃宗先 易順

聶文舉 陳之年 陳斌 徐廷棟

邵天池 王有年 毛思訓 蔣攸久

吳名 黃柏順 山元 杜懷善

唐忠 周士愷 馬進 尹正華

周長全 陳名揚 朱光斗 吳宗池

胡新云 王年 羅成緒 張萬全

高三溥 張光耀 陳士祥 周文美

王起龍 鄭貴 吳大成 李天華

伍宏貴 向明奇 雷雲 饒占魁

陳元 陳廷照 張志華 覃升

龔士太 雷大德 陳登科 李文

劉忠 雷中廷 汪大云 史金

李克兒 田起發 黃大貴 高宏開

曾學兒 夏起云 王廣成 向正志

鄧學勤 張玉才 馮貴 童兆祥

曹奇 曹大貴 吳天申 熊士義

劉祥 向啟松 董明德 王在天

朱壽 李昇 何啟富 魯升

邵在林 唐太和 陳光爵 張士進

胡以成 傅云 李正太 丁文芳

楊希盛 唐明 汪士龍 蔡正華

余昌言 楊和林 陳本敬 劉爾元

鄭盛一 鄭士俊 李太 黃如成

李士龍 喻太 吳學信 沈太禮

張天亮 王壽 胡文魁 吳國龍

冉文龍 葉允興 鄭宏 楊大貴

胡得太 周清 陳明 王太

劉天貴 瞿文魁 李明善 龔得貴

全大方 龔紹達 黃仁 丁甲珍

尹在廷 王元常 蘇元龍 王士禮

張均全 王啟貴 黃大漢 黃信

高孔書 陳綱 王愷 朱大漢

熊元虎 馮光照 楊大漢 陳正龍

陳尚學 羅國太 張士冕 黃士才

李天順 陳仁富 孟天貴 陳仁貴

李方來 趙天明 楊大文 張士太

劉綱 羅文常 王大富 周老四

王正元 余希常 陳上舉 陳振龍

王汝成 陳永福 林宗德 李際言

朱應秀	楊士烈	司友太	喻朝先
萬興龍	傅學六	周得金	汪炳太
楊夢振	閔正邦	王封坤	孔正
鄧天相	石之福	尹紹祖	鄧同興
余光典	秦南鄉	葉有才	姚大連
楊正東	唐佐朝	閻占梅	丁士學
全紀綱	徐正元	馬紹緒	左光秀
姜開周	劉日華	趙開選	朱宗順
盧星斗	張正清	王兆	李方彩
楊世太	黃潮	江登俸	徐必金

龔大科	段作華	唐名山	鄧宗友
別正綱	袁大喜	曹士燦	馬國興
張朝綱	李必科	鄧如玉	曹紀
鄧國山	曹九林	黃萬舉	鄧宗福
鄧文廣	擔既祖	鄧文玉	龍正學
孫于年	路啟逢	彭得盛	高得恭
高必望	劉正國	龍正國	孫各國
陳大有	鄧明才	黃重華	李名臣
陳揚	鄧宗宜	杜宏舉	官啟珍
黃仲華	龍正舉	嚴作人	柯必泰

夏... 卷一... 下... 呂

蔡世訓 黃萬友 曾世鑽 陳永國

龍必壽 柯元泰 全文科 高尙玉

金維烈 杜宏尹 陳士周 劉正科

王士海 孫文貴 高廷臣 李良臣

高之禮 林榮 陳鴻均 袁明榮

鄭魁 鄭世祝 陳永華 鄧宗秀

文元甲 姚大發 陳宏升 何正楚

鄧大仁 鄧大榮 王倫 鄧士祿

劉元科 駱正化 周士玉 胡士臣

曹元科 張居召 張自愷 范正邦

鄒大倫 元宏到 劉士玉 符大賢

萬廷元 彭大盛 張龍 陳忠

蔡士彥 趙宏忠 馮正文 陳盛

羅禹 孫文正 秦久安 李作棟

李景 羅道 王登科 王登太

周永惠 王封正 王大漢 劉懷甲

曾國榮 胡宏興 張大禮 周治仁

秦良發 秦所生 余國正 楊公遠

嚴明安 吳承發 彭宗彩 易國太

陳正榮 馬玉才 范學太 王世珍

張述明 曾文彩 曾文華 秦三台

陳文科 周恒茂 時之福 胡國監

馬士秀 胡士龍 吳啟周 閔太來

楊忠龍 楊忠貴 楊忠仁 楊起朋

阮必信 張文訓 曹志綱 劉方順

楊思燦 楊國誠 王文藻 司維堯

喻殿載 黃之禮 萬雲武 楊正云

楊希貴 秦殿祥 汪登科 高士華

張正華 陳之璜 楊孟賢 李士海

司允泰以上義勇張金玉鄉勇胡登相 張金榜

何明山 陳萬選 王朝殿 孔毓蘭

鄧正魁 卬興發 鄔遠發 鄧文華

張恕 彭志茂 張秉祠 丁順

傅得章 易登選 朱曰才 石化羣

李正忠 屈士國 賀士華 石宏德

艾棗 李安邦 鄭自修 邊自文

劉宗鑑 劉朝相 舒以明 陳老五

蘇之福 蘇之壽 馬世牧 鄭作相

程之金 史玉才 符光榮 韓明發

姜文舉 張若孔 胡文富 陳加福

胡殿選	張士科	羅慶	石宏全
陳文義	曾文進	齊朝選	邵文昭
李登相	趙萬節	王道印	趙承紀
王道榜	楊富	楊貴	謝自國
陳正朝	余倫章	邵元亮	王道明
張殿	陳友祥	余正綱	邵正堂
劉品宜	馬上文	楊朝選	楊朝貴
余在章	邵文才	卬萬發	王春節
王道遠	易登選	張宗富	丁宏貴
邵文光	石宏梅	王春安	石宏國

楊世泰	程定國	高士虎	馬世富
王繼祥	孫萬年	孫聖朝	張文學
陳道敷	石延龍	范天祿	王應朝
羅大江	程之銀	江應鳳	全正紀
鄭自修	黃正科	余元龍	陳卓
陳啟太	鄭元禮	楊朝和	蕭良珍
胡玉	胡哲	程汝榮	丁維倫
胡金榜	甘禮	杜全	徐學成
陳年	譚科	王大明	鄔玉
敖清	義勇	陳大元	鄉勇
		李明洪	以上湖北 通志查出

東湖縣志卷十五軍政下

秦克和

義勇

秦士仁

義勇

洪大順

都司

張兆虎

守備

談尚榮

千總

王秉鉞

千總

王長安

世襲

廖康華

把總

賈汝柱

把總

羅雲

把總

劉安朝

外委

楊承玉

外委

穆開科

外委

余文富

外委

王大儒

邑增

胡鳴鏞

監生

羅發俊

鄒世煊

黃常學

王一德

唐秉緯

王開科

謝林

劉義榜

屈士泮

譚秀

王學禮

閔安泰

許日新

熊孝

吳曾厘

馮維新

蘇必珍

劉世朝

王一渺

李志

彭必榮

邛大志

李起榮

陳德祥

劉順喜

李大經

陳士孝

楊金位

李培雅

謝玉

程任遠

汪永江

趙永拭

傅懋材

劉喜生

楊祖俊

江長志

吳發甲

吳發秀

穆發聰

劉應榜

劉爭氣

劉世萬

楊應泰

周開兆

謝太

羅昭明

梁在綬

王晉彥

原光景

宋子珍

劉大元

劉永漢

秦盛南

王洽

孫發榮

石來福

黃上儀

陳啟昱

張發魁
金懋之

右以上諸人皆嘉慶咸豐間死事者奉

嘉慶咸豐間死事者奉

三

忠祠夫其同仇而執干戈抗節而捐軀命
延恩獎酬以馨香斯烈士之慷慨
清志氣之今始

東湖縣志卷十六

名宦志

自蜀漢建宜都郡治夔陵官斯土者代著循良唐
宋間多以名公卿謫守是邦流傳善政尸祝不衰
余既採補諸史表秩官以補舊志之闕復擇其政
蹟尤著者列於名宦而以防守名臣附焉亦藉奉
為前事之師也至僑寓遷謫諸賢流風餘韻標映
山川斯亦地以人重者矣并略考其始末備著於
篇志名宦

蜀漢

張飛字益德范陽涿州人事先主爲將曹操入荊州
先主奔江南操率輕騎一日夜追及於當陽之長
坂飛斷橋橫矛叱之遂得免從定江南以功拜宜
都太守治郡有聲

廖化字元儉襄陽人先主入蜀爲前將軍遣隨鎮荆
州權襲荊州化爲所得乃佯死夜攜老母西行會
先主伐吳遇於秭歸遂命爲宜都太守以果烈稱
向朗字巨達宜城人昭烈帝定江南使朗督彝陵等
縣軍民事每樹捍衛之績

吳

甘甯字興霸巴郡臨江人也建安十四年隨周瑜拒
曹操甯建計先取彝陵往卽得其城因入守之時
手下有數百兵并所新得僅滿千人曹仁乃令五
六千人圍甯甯受攻累日敵設高樓雨射城中士
衆皆懼惟甯談笑自若遣使報瑜瑜率諸將解圍
後權嘉甯功拜西陵太守

陸議即陸遜字伯言吳郡人陸遜呂蒙襲荊州破公安南
郡遜徑進領宜都太守陸遜定諸蠻請金銀銅印假
授降附子抗繼督西陵亦有父風

步騭字子山臨淮淮陰人黃武五年代陸遜爲都督

在西陵二十年隣敵敬其威信寬仁得眾喜怒不形於聲色而外內肅然赤烏十一年卒子協嗣

雷譚其里居未詳吳宜都太守政令嚴肅威鎮境外虞忠字世方翻子也代王岐為宜都太守遂與之齊

名王濬伐吳尅西陵忠與鎮南將軍留憲征南將軍成璩西陵監鄭廣皆堅守不降城破被執死之

晉

譚該元帝時守宜都王啟肆逆與巴東監軍柳純南平太守夏侯承俱露檄遠近率所統致討

周級天門人為宜都內史忠節人也聞譙王承立義

州甘卓又不同王啟之舉而書檄不至級謂從

子該曰吾常疾王啟挾凌上之心今稱兵構逆有

危社稷之勢譙王宗室之望據方州之重建旗誓

眾圖襲武昌甘安南少著勇名聞與譙王尅期舉

義此乃烈士急病之秋吾致死之時也遂遣該申

款於譙王該欣然就道致命而返為王啟將魏父

所執考之至死竟不言其故級由是獲免王啟之

難

羅含字君章未陽人少有清節兼擅文譽補征西戶

曹參軍俄遷宜都太守

南北朝南齊

范縝字子真南鄉舞陰人仕齊爲宜都太守性不喜神鬼時樊陵多祠祀有唐漢三神廟胡里神廟縝乃下教斷不祠後以母憂去職

周

唐瑾字附璘北海平壽人雍容文雅周文帝器重之出爲蔡州刺史歷拓州硤州所在皆有德化人吏稱之

杜叔毗字子弼襄陽人早孤事母以孝聞仕梁爲首豐侯入周除硤州刺史常手刃兄仇自縛請罪

祖特原之

趙奘字通賢天水西人周閔帝受禪遷硤州刺史蠻酋向天王以兵攻信陵穉歸奘襲擊破之二郡獲全時周人於江南岸置安蜀城以禦陳屬霖雨數旬城頽者百餘步蠻酋鄭南鄉叛引陳將吳明徹欲掩安蜀議者皆勸奘益修守禦奘不從乃遣使說誘江外生蠻向武陽令乘虛掩襲南鄉所居攜其父母妻子南鄉聞之其黨各散陳兵亦遁明年吳明徹屢爲寇患奘與前後十六戰每挫其鋒以功授開府儀同三司

唐

許紹寧嗣宗安陸人隋末為夔陵通守入唐授峽州刺史蕭銑據江陵屢犯境紹却之後從李道宗破後梁流民歸者數十萬撫馭有方子智仁繼守夔陵唐書有傳見藝文

薛珏字温如河中寶鼎人任楚州刺史以條去弊政觀察使惡其潔誣以罪左授峽州刺史建中初德宗命使者分巡諸道察官吏升黜焉而李承狀珏之簡趙贊言其廉盧翰稱其肅書叅問於是拜中散大夫賜金紫

顏真卿字清臣京兆萬年人秘書監師古五世孫以持正忤元載後攝事太廟言祭器不飭載以為詳謗貶峽州別駕

按公貶峽州旬餘即移吉州實未至峽見歐易修跋詳雜錄

宋

朱慶基以尚書駕部郎出守峽州完城甃街勸民治瓦屋以避火災別廬牢以異人畜彘俗翻然改觀時歐陽修以言事貶夔陵慶基待之有加禮在位時歲屢豐州人作來豐亭以美之遺愛至今

丁寶臣字元珍爲峽州判官與歐陽修爲同年友先是寶臣夢與歐陽修同入一廟班位歐陽上出廟門見一馬隻耳及除峽州判官修亦謫彝陵令同謁黃陵廟果符所夢因相視大驚其在西陵亦多遺愛

歐陽修字永叔廬陵人仁宗景祐二年以遺書謫高若訥貶彝陵令十月之任明年爲民祈雨常與州處士何參論文教民禮讓不期年風移俗易初赴貶時無以自遣因取舊案反復觀之見其枉直乖錯不可勝數乃仰天嘆曰以荒遠小邑且如是天下固可知自爾遇事不敢忽是時修年甫三十公退之暇卽編定五代史今與顏真卿並祀入名宦祠

鄭清之字德源鄞人嘉泰十年進士調峽州教授卽趙方嚴重靳許可清之徃白事爲置酒命其子范葵出拜方掖清之無答拜且曰他日願以二子相累湖北茶商羣聚暴橫清之白總領何炳曰此輩精悍宜籍爲兵緩急可用炳急下召募之令趨者雲集號曰茶商軍後多賴其用仕至宰輔

孟珙字璞玉隨州棗陽人理宗初授忠翊卽尋差峽

州兵馬監押兼在城巡檢後以樞密都承旨制置使兼知鄂州諜報元兵欲大舉臨江琪策必道施黔以透湖湘請粟十萬石以給軍餉以二千人屯峽州一千人屯歸州增兵守諸隘口琪第瑛駐松滋為夔聲援元兵度萬州諸路震動琪兄璟時為湖北安撫使知峽州急以書謀備禦琪前後條請移軍要害峽州松滋各屯萬人隸以舟師并大興屯田措置江防自公安至峽州灘積皆增兵備禦卒保全楚

向士璧字君玉常州人紹定五年進士累遷至湖北安撫使兼知峽州以歸峽施黔南平軍合州告急制置使馬光祖命士璧赴援數立奇功帝亦語羣臣曰士璧不待朝命進師歸州且捐家貲百萬供軍其志足嘉進秘閣修撰樞副都承旨仍舊職開慶元年復援涪州湖北兵時朝廷自揚州移賈似道進駐峽州檄士璧以軍事付呂文德士璧不從以計斷橋奏捷未幾文德亦以捷聞士璧還峽州姚渙字虛州普州人知峽州時常平反宜都冤獄築堤防江民賴其利事見宋史詳藝文

元

隱答忽高昌人字古齋官峽州路總管府達魯花赤
兼管內勸農事嘗初學宮清豪奪逋租置經籍延
師課士人以擬楚下文云

涂熙春九江人至正五年錄學事與監郡隱答忽新
學以造士

明

汪善永樂壬寅牧蕪陵時黃牛灘多虎患善率紳耆
禱於神設法捕之旬日虎自投阱斃患遂息

王勅字嘉諭歷城人成化甲辰進士由翰林謫判蕪
陵州事清節自甘毫不苟取擢四川僉事轉河南

督學官至祭酒

李芳容縣人成化中由進士知州事律已清廉臨民
平易有古君子風官至方伯蕪牧賢明者以芳為

最

劉瑛息縣人成化辛卯中州境多虎偕僉判率守禦
千戶常屋禱於黃陵廟已而四虎俱獲因奏增祭
品遂為定制其為政廉靜簡約治民事神皆以誠
信為本

陳宣平陽人宏治初以刑部郎中坐事謫蕪陵牧作
人崇義百廢俱興性嚴止黜淫祠始盡善詩文州

境名勝多所留題

馮浩江浦人宏治九年以進士知州事以廉能著

席篆遂甯人兄書春皆名臣篆以進士為戶科給事

中坐同官李長劾黜國公沐崑事詞連篆併下詔

獄繁治謫外篆得夔陵判官嘗穿城鑿井以備不

虞世宗嗣位復故宮予祭追贈光祿少卿崇祀名

宦

林大輅莆田進士官工部主事以諫武宗南巡下詔

獄謫判夔陵世宗即位復原官歷任至湖廣巡撫

都御史

楊言字惟仁鄞人正德十六年進士官行人以建言

屢經遷謫事詳明史後復以南京吏部郎中坐事

謫知夔陵累官湖廣參議為政多著聲績溧陽夔

陵俱崇祀名宦

李一廸茂名人嘉靖己丑知夔陵事愛民好士置六

一書院於城東祀歐陽修俾後學知所師承焉

姚宗堯字劍南內江人繼李一廸視事有循聲分闈

校士號得人其在州課士尤勤嘗立六一書院碑

曹輻上虞人進士

繆宗周通海人進士

東海縣志卷十六
以上二公事無攷

黃宏順德舉人知州事振興文教捐俸置學田

匡鐸膠州人由進士擢給諫萬歷丙戌坐事謫知夔陵政成多暇則寄情山水嘗立三遊洞碑兼跋志其始末云

蕭景訓由太和進士知州事公廉明敏案無留牘有神
神明之號萬歷八年丈田躬巡阡陌里胥無敢干其法暇則進諸生解說經義倡新建良知之學士習翕然一變

李允簡由舉人任州學正行誼端肅士林矜式

邊省以忠義增秩蔭子

童世彥榮縣人舉孝廉萬歷丙申知夔陵州修廟築墜有廉幹聲常建橋以利涉人因以童公名其橋復採彤家言修東山寺以崇州鎮至今賴之後人因立祠寺側榜曰生慈祠以志遺愛

陸達吾舊志逸其名常熟人萬歷間任州牧有惠政於西陵既解組歸邑紳郭宗儀寄以詩有甘霖曾記隨車日湛露長懷下榻年之句

葛大同由舉人任州學正有去後思

陸枝常熟舉人勤於治民儉於自奉以清介聞於朝

身治縣志 卷一
林信其邑里事蹟皆無考祀名宦

劉炳文杞縣人虛懷下士誠意孚民先是衙臺縱橫自經公整飭吏胥重足無敢撓法者方正公明近罕其匹

吳從哲舊志載豫章人由明經知州事長林傾畫游亦有餘興賢勸學百廢具舉今尸祝之

吳孫仍其邑里舊志未載以明經知州事除惡鋤姦民賴以安邑黃陵廟上下舊有水賊利險攫人財過客苦其橫公至芟除殆盡商舟往來者乃視爲坦塗矣

俞彥字容白江南人由進士任光祿寺卿以事貶夔陵文章博雅度越一時性恢諧素譏切時政故終彥之世遷調者不一地當明季多事每有征權稍不便於民間者卽力爲民請上官多屈從之

楊元瀛貫陽人崇禎朝由舉人知州事時承平日久城闕傾圯瀛至建議築壑土民難之瀛不爲衆撓及城完而寇止所在蹂躪惟州獨全巡道陶某上其績有繕城郭於烽火未舉之先謀深桑土禦豺狼於矢石交加之際功在封疆西陵尸祝已知今日千門南國賢勞豈若他人三載語人多傳誦之

東海縣志 卷一
蓋實錄也後陞東昌府佐

荆光國山西猗氏縣人由拔貢牧彝陵興學校嚴風紀課士勤民盡祛積習以不合當道意改調荆門百姓泣畱者遮道

楊正元崇禎壬申間任州吏目州人有碑志去思

黃九門灃陽人萬歷間以明經來司訓清標玉立詩書禮樂外別無周旋率履以正飲人以和一時人文蔚起悉秉其教

曾可宏竹山人崇禎年訓導後陞知縣士子爲立碑徐仲徵字襲祥舊志載虎林人崇禎間由明經判彝

陵文章爾雅尤工於詩賦士林宗之

張達中字悟境分宜从天啟壬戌選貢初命岷縣移大足奢崇明之亂賊三薄城以捍禦有功擢彝陵州著有政績引年歸里

李燦儀徵人由明經入監仕彝陵別駕砥名節以與郡守不諧左遷榮藩審理拂衣歸

國朝

朱長允山東德平舉人當世亂初定時人文散失允雅懷作育比戶乃有絃誦聲修廢舉陞久著勤勞及陞廬州府同知士民多攀輿泣送

東江縣志 卷一
張大元滿洲人順治十四年州城疊陷亟須重臣留
守三省經略輔臣洪承疇乃奏請易協爲鎮薦
擢大元爲總兵官時殘破之餘兵民死徙相半闔
獻遺孽猷漳房夔巫間者尙十數萬深巖密箐出
沒無常大元至招集流移給牛種墾田爲兵食計
以次繕完城池廟學及軍民廬舍皆有成績十八
年州城火復率屬捐捧以恤災黎爲粥以食餓者
在鎮數年威惠兼著邑大史黃燦勒碑頌其事擬
之羊祜陶侃之守荆襄以爲有再造於彝陵蓋實
錄也

孔斯和由澤州舉人知州事值州城新破與總鎮張
大元籌畫兵食撫摩瘡痍諸營繕皆以次就緒民
易使而忘其勞大元上其事於直指稱其甘荼茹
藥戢兵安民案無雀鼠之爭庭絕參書之贖厥功
爲不可泯云

鮑孜字禹思奉天人康熙四年以恩蔭任州牧甫下
車卽整飭諸廢務修城池新廟學屢著成勞念地
經兵燹文獻無徵延學博徐同功編葺志乘至今
賴焉

田恩遠字豈三奉天舉人康熙十二年以長陽令擢

知州事值吳三桂謀逆

王師方進討徵兵雲集州城遠竭力供億毫不以累民故駐師七載而民不知兵常攝荊州郡守事益著循聲在任十九年以清丈田糧爲蠹役激變罷職士民惋惜

徐治都字平宇遼東人鎮守夔陵值吳三桂入寇水陸並進人心惶懼治都以靜鎮之而密告急於制府前後與賊相持六載卒捍孤城以功擢提督復平譚宏之亂誓志謂其不畏疆禦不侮隸寡直而能惠嚴而有恩蓋正人也

王三俊右營游擊康熙十四年滇藩逆黨劉陶二賊潛通劉朝鼎持偽劄誘三俊約與同叛三俊密擒之而速請援於荊鎮卒保危城并擒誅其黨與事聞

聖祖卽大褒其忠貞加都督僉事銜旋卒於軍

詔諭賜祭葬子孫占籍爲東湖人廬陵知縣王恩進其孫

也

互見軍政

傅爾學四川萬縣人營冊載河南人歷任前營游擊及水師副將滇逆之亂力障孤城爲人憫儻樂易尚義親賢後擢鎮大梁邑士羅宏備贈以詩有此

去華光應並燕潁川原是舊侯鄉之句言歸其故里也

馬之迅山西人任中營游擊撫謙下士洞達時務有雅歌緩帶之風

胡世英字汝迪歙縣人幼慷慨喜談兵歷任湖廣叅將所至有勞績以守常德岳州功

特擢鎮夔陵時譚宏據蜀叛世英至鎮即

奏取夔州重慶機宜議水陸並進川江險阻皆不利水

戰世英請獨任其難乃率舟師進營魚腹河而潛

遣其子德龍易賊衣伏兵香爐峰側夜半賊果來

襲伏發殲焉擒其黨王鳳岐遂與提督徐治都會

兵巫山縣進攻夔州重慶皆降之會疾作卒於軍

詔賜祭葬蔭一子其在鎮日常却屯羨廬規人尤稱其

廉云

嚴宏字公偉餘姚籍常熟人明少司空自泰孫其幼

時即其聰慧長工詩為人倜儻有智略初任宜都

營游擊斬吳三桂僞使秉節不屈賊平擢鎮夔陵

時州城新沒大帥士無固志植譚宏據保甯叛進

逼夔巫勢甚猛其時宏之任甫三日即出視師以

忠義勵孤軍阻險嚴守時出奇擊賊以通餉道將

東清里元
卷一
軍蔡毓榮提督徐治都卒賴其力以平賊所招撫
逆黨以萬計獲輜重器械無算卒讓功不居暇則
焚香讀書旁及繪事諸生來謁接見無倦容且設
塾延師課邑子弟之貧不能讀者士尤德之其後
平夏逆亦有勞績

王之紀遼東人值用兵之後來知州事掃除餘孽安
輯流民不數年諸廢具舉頌其德者皆謂重見光
化焉

張忠孝字雙全河南洛陽人由行伍歷官辰州副將
康熙二十七年武昌兵變忠孝隨宜勦撫不逾月

而全城恢復入城誓師秋毫無犯反側子自安
擢鎮夔陵授世職整飭軍民寬嚴並濟凡廟學城
郭溝塗橋梁諸興作皆哀俸倡修歲小旱澇卽率
屬籌畫補助賴以全活者甚衆在任七年卒於鎮
勅賜祭塋加贈宮保塋於州城東人往過者咸指爲墮
淚碑子肇圻肇均皆好學能詩遂占籍東湖

陸紫飛字霖庵江南華亭人以軍功授州判禮士愛
民佐政從容性清介有重望人不敢干以私

王允昌字愚庵山陰人籍隸南陽在鎮十年雍容博
雅上下和輯有儒將之風博學多識兼工詩文一

時名士多遊其幕下

王居仁由江夏舉人任州學正勤於講學邑人士多賴其陶成

宗思聖字希祖順天大興人強教悅安和易近人常建萬善橋以濟民修六一書院以課士剔弊除奸不遺餘力士民戴若父母以爲不愧民牧云

邵登雲直隸深州人由進士鎮彝陵量宇恢宏不驕不刻兵安而民懷之常值北關火災不可嚮邇雲朝服伏地請罪應時撲滅里人比諸劉琨

楊國聲直隸萬全人以拔貢陞州牧除錢糧火耗捐

舖司工食與學育才培植善類民困大甦而士習亦端既去民思有含宏光大之目

劉業溥順天人起家進士入侍

禁衛出總元戎多惠愛歲旱爲民請命應時雨沛士民歌頌彙刻爲甘雨集業溥既去任來代者爲甯夏杜森性嚴毅方正凜不可犯在鎮五年奸宄屏跡幾於道不拾遺夜不閉戶及移節昭通士民公製遺德難忘額懸西塞門城樓以誌去思

祝三多順天監生爲吏目以才幹稱公退之暇以餘力爲詩歌與邑人士相酬唱民亦愛戴之

黃相綸由宛平監生判彙陵在官以廉節著才亦明
敏兼擅文名陞山西按察司經歷

流寓遷謫附

東漢

姜詩字士遊廣漢人事母至孝母好飲江水妻龐氏
每泝流汲之值風歸遲詩責而遣之一日母病思
江鯉舍側忽湧甘泉兼得雙鯉以供母乃命爲夫
婦如初永平中舉孝廉授江陽令今邑隔江有姜
詩溪上有孝子祠并龐氏祀焉春秋二仲祭之相
傳詩流寓於此

按後漢書無姜詩傳惟妻龐氏見列女其流寓
彙陵無可考歐陽修詩云叢祠已廢姜祠在事
蹟難尋楚語訛其時固已疑之矣然流傳已久
姑仍舊聞邑廩生劉家麟有辨載藝文志

晉

郭璞字景純河東聞喜人父瑗爲建平太守卽今歸
巴地永嘉之亂避地東南今城中有爾雅明月二
臺東有洗墨池相傳是璞著書遺跡所著江賦云
虎牙嶸豎以屹翠荆門闕竦而盤礴其地皆在今
邑境疑卽其僑寓時作今縣城舊基傳聞經璞相

度云

唐

田游巖京兆三原人永徽時補太學生罷歸入太白山母及妻皆有方外志與其棲遲山水間自蜀歷荆楚愛夔陵青谿止廬其側長史李安期表其才召赴京師高宗常親幸其第節齊書蕭華梁明帝後嵩子也上元初以中書侍郎同中書門下平章事忤李輔國罷為禮部尚書元載助輔國復貶為峽州司馬卒

王仲舒字宏中并州祁人元和初召為吏部員外郎知制誥楊憑得罪斥去無敢過其家仲舒屢存之將直憑冤貶峽州刺史以母喪去職

陸辰宰相贛族孫客於陝遂為陝人仕僖宗朝以諫嗣覃王伐鳳翔帝顧軍興責辰阻撓貶峽州刺史師出果敗久之授工部尚書與白馬驛之禍

宋

鄭雍字公肅襄邑人英宗之喪論宗室不當嫁娶與時相忤以知太常觀禮院謫通判峽州

程頤字正叔洛陽人生平學本於誠以司馬光呂公著薦授崇政殿說書紹聖四年削籍編管涪州元

符二年量移置峽州三年復判國子監

劉安世字器之魏人師司馬光生平不妄語歷將草
惇曾布貶外甲令所載遠惡地無不歷之蔡京既
相連七謫至峽州羈管

張商英字天覺新津人以忤蔡京入元祐黨籍以散
官安置歸州旋移峽州

孫升高郵人舉進士元祐時歷三院御史遷起居舍
人危言讜論朝野憚之紹聖四年以黨禁峽州居
住

郭雍字子和其先洛陽人父忠堂子師事程頤著易說

號兼山先生雍傳其父學通世務隱居峽州放浪
長楊山水間號白雲先生乾道中以峽守任清臣
湖北帥張孝祥薦於朝旌召不起賜號冲晦處士
孝宗稔知其賢每對輔臣稱道之命所在州縣歲
時致禮存問後更封頤止先生令部使者遣官就
問雍所欲言備錄繳進淳熙初學者哀集程顥程
頤張載游酢楊時及忠孝雍凡七家爲大易粹言
行於世

陳海增洛陽人南渡時避地夔陵卜築葛藤窩刈茅
編竹種樹滋花日坐一龕手一編晏如也所著有

敬庵文集

李孟堅上虞人累太府丞參知政事光子也光以不
附和議力詆秦檜誤國謫藤州復坐唱和有諷刺
語再謫瓊州曹泳阿檜意告光子孟堅省記光所
作秘史獄成光竄已久詔永不檢舉孟堅編置峽
州所著有盤溪宏辭稿左氏雜志九十餘卷

陳著不知何許人爲太學博士賈似道以母喪去位
度宗詔起復之著帥太學諸生上書切諫不聽理
宗朝官著作郎嘗讀書邑大王舖山寺感文昌入
夢次日四川制置使楊大異過訪助金建閣卽以

文昌名之今尙有殘碑可考互見雜錄

國朝

嚴虞惇江南常熟人總鎮都督宏族子從宏官彝陵
性曠達不羈忽折節讀書與州人士甘某等爲文
字之會時以第一人自命後入都道遇國子生張
虞惇於旅邸病劇爲畱視醫藥張感其義遂出部
照付之比卒後經紀其喪適試期已迫卽以其名
就京兆試獲雋旋舉進士第二人及第後請復姓
康熙癸巳典試楚中撤闈訪州屬舊交猶殷殷道
故云

朱鳳翥字翔九號杏村歙人壯遊都門常與何太史焯論詩交於大定禪院得其指授益工吟咏因入蜀縱探瞿塘滙瀕之勝返寓夔陵日寄情山水以自適凡有所得悉發於詩學博張振南及諸文士交與倡酬所著有峽州自怡草

補傳

徐泰字士亨江陰人初授羅田縣令善治日彰擢守荆門會夔陵缺守檄往治之有鳩巢於廳以憂歸卒尚書吳寬志其墓

本楚紀補傳

徐雲字起和崑山人國子生正德間判夔陵時邑有火灾有畢方憑之燔四綽揆疑即舊四牌也雲感白將軍入夢建樓記之患遂息城北夾河即今有風濤之阨為建黃陵行祠後擢開建令不就餽舟歸宦橐蕭然州人送者為舁石鎮之以擬吳鬱林云詳見歸有光贊

按雲倅夔陵卓有政績而舊志逸其名適編刻名宦卷帙垂竣始於歸有光集得所作宏元先生自序贊悉其行事又於所題贊後悉其姓氏里居亟為補傳而採其贊入藝文光固有道而

能文者其言信而有徵懋雲自序及所作白將軍樓記皆不可得云

以上舊志

按通志自隋至宋職官尚有四人前志漏載今補附於此

隋

趙軌睢陽人高祖時峽州刺史甚有恩惠

宋

康戩高麗人太宗時知峽州詔褒其能

李繼昌上黨人至道初為峽路兵馬鈐轄賊為民患以金帶遺繼昌繼昌偽納之賊懈不設備因掩殺之

李庭芝應山人開慶元年知峽州防蜀江口

國朝

林有席字平園江西分宜人乾隆某科進士以知縣即用初選四川親老改選東湖明察精練綱目設施才敏過人將之以慈惠孜孜於教養興除不專任刑威吏民自不能欺是時州既升府縣為始立一切建置多屬創舉又邑方新設尚無專志舊志稱夔陵州者與郡相淆互宜分割釐析不相侵越

乃延其鄉人嚴潛莽進士主蒐討因聽訟徵賦之
役親歷四境攷其山川察其風俗訪其遺文故老
復自爲發凡起例授潛莽潤色之志成而典則詳
整頗得史家遺意凡城郭學校祠壇保甲育嬰諸
政所經畫者輒手自削牘申牒大府今散見志中
者猶可按也暇則卽署中絳雪堂補種紅梨置酒
延賓客賦詩爲樂其風流如此惜其去與遷不可
考嗟乎令如有席近古良吏矣以之俎豆茲邦其
無媿哉其無媿哉

李惟清順天大興舉人官東湖知縣從勦灌灣腦涼

山黃柏山等處教匪著有勞績後因防堵興山保
康要隘觸暑受瘴卒於卡所又試用縣丞貴池高
鴻遠赴東湖團練寨勇染暑患病卒

何學青廣東人起家乙科任東湖令其治煦嫗多惠
愛能深入民心嘉慶初元白蓮教倡亂邑境亦有
應之者學青亟召邑人士議乘城擇其豪傑使募
壯健繕戎器日夕守陴復隨諸將校親搗賊巢皆
翦除之已而蜀賊以大衆至頻犯鄰屬偏近邑境
自督撫以下及

廷命大帥統師會勦皆道東湖或列營屯其餘偏裨壁

壘不勝計也學青供其芻糧徒役軍興不乏民亦
不擾又往來行營白事殆無煖席夜必巡城雖
寒未嘗不出蓋五載而賊始平學青凡再任東湖
前後至六七年城中坊巷姓名與所執業所行善
惡皆能識之輿過市兒童拍手唱曰何爺爺來輒
顧之而笑其於民猶家人父子也聽訟必得其情
反覆曉勸不輕笞責遷鶴峰州牧臨去語人曰訟
者皆聞吾言而息惟某兩姓以倫常互訐累千百
言爲之解譬竟不能化以此爲媿士民間且去流
涕相告如失慈父母製竹馬童謠至今傳誦傾城

祖送至數十里外雖朱邑桐鄉之愛無可以過也

洪飴孫字孟慈江蘇陽湖人程存太史之子也嘉慶
某科舉人以大挑來爲令才敏潔廉念存愷悌其
課士也循循若塾師招至署中親爲校藝手加評
改雖日旰燭跋曾不倦絳雪堂紅梨傳爲古物飴
孫以其枝榦盤鬱虧蔽窗几命加翦伐未幾疽發
背卒

沈峩皆號厚齋安徽六安人其科進士公亦不通私
謁遇刑罰尤矜慎不輕鞭朴詵讞輒坐堂去皇綱人
縱觀見小民之顛愚者不憚反覆開譬累示千百言

不少倦經所勸戒無不感且泣自給其枕者夜必
親巡不以嚴寒廢邑中號爲夜不閉戶衆相率以
撫字心勞額其堂

雙穗號薊圃四川駐防某科舉人識慮精敏尤長折
獄凡講張轆轤者片語決之洞中窾要民惴惴若
肺肝無所遁然其意恒依於寬恕不以辨窮人在
開論之使化爲善良而已律已甚廉時有清如水
明如鏡之頌六一書院以歲歛租薄不克延師屆
期則親往課之爲諸生人人商榷或摘其疵類或
獎其警策諸生益相淬勵癸卯秋闈邑中捷者三

人自是每科獲隽恒數人焉則造就之明效也以

調江陵去

王慶瀛字海樓浙江錢塘人文莊公日華之孫始爲
諸生有名不得志棘闈乃託卑官隱於少府然廉
潔不受一錢不通貴要人與其室戴若刃米孟高風
其室則可亭相國之女公子也絕遠驕貴之習工
詩能畫厨笑無煙相對怡然不以終窶爲歎惟用
韻語丹青相酬答產自貴胄能甘清約翩翩乎塵
中之仙尉也歎

流寓附

劉富成枝江人嘗寄籍東湖入前營爲馬六後棄去
與其兄古募湖南軍中粵逆犯長沙其口九戰死富
成亦傷才臥於田間賊過突起斬之餘賊驚走遂
步還營其爲人趨捷有膽智時湖南中丞張公亮
基見而奇之屢稱曰此子具封侯相當飛而食肉
者也擢至守備命隸麾下張公權督楚軍仍挾富
成自隨與粵賊搏戰麻城之馬鞍山大捷又隨按
察使唐公樹義制府吳公文鎔臺公湧相公需與
粵賊戰黃岡漢陽漢川等處皆立奇功一軍推爲
驍將屢擢至叅戎最後官軍攻粵逆於德安賊據

城死守礮如雨不能近闔師忿甚顧富成曰鎮軍
印在此金亦在此汝能率死士入城印與金皆昇
汝不能則取汝首富成曰請以身先士卒乃運矛
直前距闔賊啟門誘之入礮發軀骨盡糜軍中氣
奪事聞

予副將銜給世襲

賜諡勇恪咸豐五年事也子仁龍承襲

愚竊與劉豐氏平事以平口請承襲

字幅錄密命甘奠

奉事聞

直前聖聞想其門結之人嫻發眼骨蓋藥軍中廉

或示銷順軍或首富奴曰請以良犬士卒以戰長

日非此金亦非此或銷幸或士人想與金替異

細校字類或有不銷或開棺係其類或曰能宜

